

四庫全書

集部

欽定四庫全書

江湖後集卷十二

宋 陳起 撰

胡仲弓

仲弓字希聖清源人仲參之兄有葦航漫游藁
按江湖集諸人唱和詩葦航詩名頗著於仲參
而諸選家無一及者永樂大典載其集甚夥此
乃陳起所選者也

雜興

百年一瞬息萬事皆塵埃所以身後名不如掌中杯山
園足花草雨露相先開獨有崖下松春風不曾來青林
曉霜重百卉顏如灰蒼髯五大夫鬱鬱何佳哉

佳花費事治十無二三本惡草時掃除已復相葦尊試
嘗問園丁否泰乃爾反渠方倚鋤笑謂我見事晚老天
亦何心生花日袞袞

梁武欲為佛秦皇欲為僊萬乘猶不足要與天齊年人
生幾兩屐過眼如風烟此心苦無已憂患常烹煎不見

客斯逐力詆爭秦權寧知咸陽市父子更相憐

海月當觀濤

青天與海連羲娥代吞吐封姨助餘威陽侯倏起舞或
奔千丈龍或轟萬疊鼓蓬弱此路通祇界一斥鹵浩浩
無津涯尾閭闕地戶羸女驅鮫人獻怪扶桑府琛球來
百蠻玳珠還合浦獨立象罔外身世等一羽宇宙納溟
渤萬山齊偃僂清風與明月造物不禁取臨流喜得句
玉欄失笑拊眦望此一時頌洞注千古安得捲上天霈

作天下雨

過駝嶺

中興諸將士殺身報明主生前七十創死後一丘土嶺
上生愁雲紛紛不可數平生憂國心氣結不能吐肝膽
常輪困未知死何所杯酒醉夕陽臨風淚如雨

醜婦謠

人知醜婦醜不知醜婦妍醜婦安乎醜婦德或可全荆
釵與布裙常坐紡織邊妍婦巧於人玉貌長娟娟媿媿

及依阿萬態隨方圓醜者妍之實妍者醜之端醜者妍
之德妍者醜之賊人皆惡其醜我以醜爲則人皆愛其
妍我以妍爲惑丁寧醜婦人莫效妍婦輩欲保醜婦德
莫學妍婦色人鑑不可欺妍醜自明白

題金粟洞

名山洞府三十六若擬帽峯猶未足有人曾此坐丹爐
有人曾此安碁局一朝悟道歸去來依舊紫雲鎖林屋
武榮賈客來洛陽手攜尺書叩巖谷覲面親逢呂洞賓

有眼不辨鄭文叔功成行滿欲度人酬之遺以半升粟
豈知粒粒皆金砂一服可但能辟穀先嗔後喜來重尋
癡心纔動隔山谷故老相傳金粟仙凌霄有塔蒼標玉
乾坤外物號無塵凡夫到此懶著脚我來稽首問先生
若為乞得壺中藥刀圭分與醫國人却入深山抱幽獨
先生道我亦不塵且走千巖并萬壑它時相過岳陽樓
定把奇書與君讀

過新蓬二嶺

新嶺高蓬嶺高兩山前後爭嘈峨世途平處多風波何
如嶺嶠肩相摩腳踏實地無偏頗著身高處不為勞新
嶺高蓬嶺高勿令此地生蓬蒿

芳庭為作希聖二字以詩謝之

貫休鐵畫天下奇芳庭心法今似之偃波垂露久不作
雲煙灑灑光陸離北山塔穎健筆卓西湖倒瀉為研池
長空萬里紙一幅等閑揮翰搖坤維大書姓氏牋金闕
書仙驚問子為誰安定後人希聖父曾披骨鯁干龍墀

公權筆諫粗有志未知所遇何如時書仙聞言發一笑
風雲際會須有期何當濃墨寫竹帛千古萬古長昭垂

試劍石

青蛇生膽氣袖過洞庭湖既有虎堪刺豈無龍可屠鐵
山何用碎崖石至今枯欲斷樓蘭首能安砥礪歟

法山寺

距城無數里乃有此名山海近雲常漫林深風易寒齋
餘飛鳥下定後野僧閒一宿何曾覺翩然又起單

次法石寺即事韻

近郊來往熟馴犬向人迎半是吟將老何時隱得成月
明山景合潮落海痕生歸路霜鐘外微聞三數聲

清吟寺

高僧曾住此長對佛爐吟蕭寺有興廢清名無古今禪
心秋水瑩燈影石壇深不見鬼神泣空聞鐘磬音

廢寺

鐘鼓蕭條久誰從此地來僧房無戶牖佛面有塵埃碑

斷眠荒草廊空長綠苔
鷓鴣并蝙蝠時或此徘徊

得闕越州冷掾

寒氈纔入手便動帝鄉心
千古蘭亭在三年芹水深
文排崑體作詩對越人吟
自得高山趣何當遇賞音

頤齋聯日有事於琛亭賦詩聊為解嘲

詩人有公事日日走琛亭
紫翠和衣重香塵滿面生
蚌還江月濕龍起浪雲腥
蒼葦以亦何有奚囊澈底清

次雲心韻贈臞仙

清修如野鶴心性在雲間
蔬食從來瘦林居耐得閒
爐分真造化夢繞舊鄉關
汨汨塵樊者聞風想厚顏

送李同歸龍泉

天寒猶客路行李况擔書
喚醒江湖夢歸尋水竹居
詞華須近古劍氣欲凌虛
好趁功名會言詩特緒餘

明發

明發占鷄唱停驂數暝鴉
半生多在路十日九懷家
照水芙蓉色滿園蕎麥花
歸田何日是對客話桑麻

題黃端玉寒瘦藁

幾回吟傑句破硯幾遭焚
古道不復作唐風猶可聞
寒於梅傲雪瘦似竹侵雲
近世無郊島詩人數到君

山行觀紫雲洞

浪遊知幾載久不到山巔
泉石曾留意煙霞未有緣
松陰長匝地塔穎欲鑽天
待洗塵埃脚重來訪紫仙

嘲赴緣僧道

身在塵緣外如何更赴緣
僧堂清富貴道院小神仙
飯

飽休持鉢丹成莫賣錢但能了生死何必問蒼天

山庵

蒲團清夜詒吟鬢任鬢鬢淪茗遲留客焚香靜對僧嵐
蒸侵硯版月冷逼禪燈萬籟俱岑寂呼童亦不應

送傅明府之南安

撫字及催科三年鬢已皤公心如日月浮議任風波父
老顰眉說兒童拍掌歌歸裝無一物空有綵旗多

道中遙觀五峰

五峰天外立驢脚慣經過十載身萍梗今朝面辟蘿雲
低山色暗風急樹聲多蠟屐何時辨來聽樵子歌

送趙明叔分教潮陽

昌黎遺俗在興教更煩君地產無名木春生半水芹詩
歌麟趾化筆補鱉魚文莫厭官毡冷相期粉省芸

送梅臞三山

曾共梅花約論心到歲寒如何傾別酒獨自上吟鞍藥
裏留餘劑詩囊有近刊懷人眇雲際頻展墨龍看

原注
梅臞

臨別自作
墨龍見惠

自笑

自笑謀生拙多應涉世疎為貧趨斗祿因病試方書榕
葉寒侵戶梅花深結廬焚香坐清夜吟到曉鐘初

倚欄

倚欄商好句雲散海山青風急天無恙人驚心地靈潮
頭迎日月帆片落滄溟夜靜濤聲息龍吟得細聽

薄遊詩

欽定四庫全書

江湖後集
卷十二

八

薄遊歸較晚清氣滿丘園鴉噪盤林影蛩聲咽草根吟
腸思茗盃醉眼迫冰盆心迹兩忘處難同俗子論

哀黃鳥

憐君金縷衣失脚踏危樸自是我心惻非關物命微引
雛誰共食求友便忘歸送汝入幽谷驚魂何處飛

題崇福寺青山閣

禪餘無一事冷面看青山明月幾時有白雲終日閒地
虛塵不到天遠手難攀直下看人境紛紛醉夢間

為源上人題寶葉

寶蓮千萬葉葉葉是如來淨土社中得無波水上栽根
頭藏舍利香氣避塵埃移向松灣去山花不敢開

寒食

初過一百五園林正好看梨花未全禿梅子帶微酸近
世煙無禁何人食肯寒東風猶作惡誰念客衣單

不飲

之子青州裔生來契分疎難從將進請屢下絕交書甕

面空浮蠹樽前但取魚任他賢與聖清濁不關渠

春晚山茶花數朶艷甚

萬紅彫落盡留住隔年花獨艷迎人笑殘粧帶雨斜物
情無老少春意自繁華顏色休相妬風流別一家

題清泉院

孤僧如槁木住處遠人煙山有千年寺名因一派泉堂
虛遺像暗壁敗野藤穿法座空塵積無人來叩禪

題通妙亭柱

小亭存古意雅稱道家風
池水鴨頭綠山茶鶴頂紅
內丹還九轉法鼓叩三通
若問希夷事欄鈴語未終

遊紫澤觀

地偏塵不到俗客可曾來
寫帖雲侵硯朝真風滿臺
蘭荒根有蠹梅古樹生苔
莫論還丹訣金爐久已灰

虹橋詩

纔過虹橋渡漫山皆紫泥
鷗邊秋水落牛背夕陽低
酒向汗樽飲詩從板壁題
江郎在何許靈石與天齊

山中

世情紛醉夢，抱獨入山林。
有竹堪醫俗，無絃誰賞音。
蘿青嶂合鷄犬白，雲深未必幽。
居者能賡梁甫吟。

尤溪山中

山中寒意足，自笑索裘遲。
野店鷄聲飯，垣垣鷓鴣字。
詩雨餘松徑，滑溪漲板橋。
危問訊恬軒老，鄉鄰總不知。
原注恬軒

乃趙維也棄官
入山三十年矣

東蕭芸莊

十載江湖夢鴻飛不到君近聞吟思苦半為宦情分往
事隨流水懷人看暮雲相逢又相別安得細論文

舟中即事

攜家驅官牒短棹泛桃源人語聯篷屋漁歌隔水村雲
歸千嶂合雨過一江渾爲愛招提近纜船楊柳根

舟中歸興

舟膠回短棹岸曲抱溪斜香篆迷煙草燈光閃浪花歸
心隨舴舺遺響託琵琶明月如留客猶籠淺渡沙

寄舟中諸吟友

溪流何太急，畫槳去如飛。
詩壘才無敵，愁城醉解圍。
日斜帆影亞，風細樂聲微。
誤入桃源去，月明猶未歸。

觀江郎石

江郎何日化，千古鎮長青。
乍見人疑怪，多應地有靈。
世間無此石，天上應何星。
海外蓬萊島，猶疑在杳冥。

桐江舟中

推篷納山色，愁坐對黃昏。
雨過天無翳，舟行水有痕。
鐘

聲來遠寺犬吠隔煙村柳下漁人屋收罾早閉門

延平舟中

雙槳去夷猶延平津上州英雄三尺劍今古一潭秋水
近人爭渡山迴水急流前頭風浪惡莫放釣魚舟

送羅去華

江湖如許濶無地著詩流難覓青精飯空回明月舟分
甘貧國士莫謁富民侯隨處風波惡無魚可上鉤

夜飲頤齋以燈前細雨簷花落為韻分得前字

又得花字賦二首

春歸如惜別，淚雨滴欄前。
酒病思盧橘，吟魂逐杜鵑。
堂虛香穗直，風定燭花圓。
萬籟沈清夜，瓦溝聞落泉。

萬仞騷臺立，海涯堂堂筆陣走。
龍蛇喚回蝴蝶，三更夢吟落茶蘼。
一架花座上，風流追靖節。
酒邊豪放逼劉叉，幅巾危坐清源石。
小待山陰漸熟瓜。

贈神籟談天

曾將甲子問羣生，來向人間說五行。
眼底精神雖晦昧

宵中造化却分明指推寶曆八千數時弄玉簫三四聲
袖裏百篇題品盡何曾識得一公卿

次韻賦海棠

萬樹嫣紅壓錦城此花宜雨又宜晴睡中銀燭層層照
醉後朱唇暈暈輕攜酒獨來蘇學士逸詩笑殺杜先生
雪兒檀板休教唱見說嬌羞不耐驚

次麓湖韻送王用和歸省侍

因訪詩宗特特來子猷興盡轉船回故園松菊元無恙

新本芝蘭更欠栽，傑句多於貧後出。
好懷長是醉時開，白雲只在青山外。
歸去堂前學老萊。

次林明府清源洞壁間韻

解帶臨風臥看山，夢魂飛不到人間。
雲蒸空翠和衣濕，石漱泉聲透骨寒。
解語靈禽如有訴，倦飛野鶴自知還。
吟詩盡道隱居好，能幾人來肯棄官。

再和抱拙清源洞韻

泉聲一路和吟聲，可是山雲未放晴。
勸客難攀千丈壁，

遊仙空負十年盟，草廬不信無龍臥。
松徑微聞有鶴鳴，此舉羨君高著脚。
山有野菽薦杯羹。

和杜友遊清源洞韻

涉險何如過虎牢，白雲堆裏著身高。
登臨我欲招元亮，談笑時能接李翱。
人境下看猶粟粒，洞天西去有蟠桃。
學仙恐是虛無說，且向峰頭跨六鼈。

己酉上元詩同日立春

又是京華見上元，一番燈火奪春寒。
花蛾巧剪禁風撲。

綵燕新裁帶月看客裏無家愁對酒吟邊索句夜凭欄
寄言雲雨休相妬天下人人欲縱觀

和希膺春日醉吟

節物催人白髮新放懷不減少年春
巨羅酌酒猶堪醉古錦爲囊未是貧
清坐相看情不惡淡交至久味方真
妓圍笑指紅樓去寂寞窮吟胡楚賓

和壁間韻

萬仞岡邊去路長道人採藥試丹方
弈枰誰解爭高著

仙樂時聞按大涼
日落塔頭雲氣紫
雨餘山脚蘚痕蒼
年深洞古無塵迹
惟有先皇御墨香

寄鱸鄉主人

天北天南獨鴈飛
別君動是隔年期
尺書久欠鱸鄉便
寸步難邀馬足馳
池草驚回春夢句
梅花開到歲寒枝
江湖諸老凋零盡
從此逢人懶說詩

送趙汝楫分教建安

又領臯比走建安
青衿喜色上眉端
詩因老去難言別

擅到春來不覺寒當日紫陽傳授學他年粉省校讎官
聖門豈必肯私淑莫把規隨一例看

春日雜興

漁翁樵叟自行藏裹飯過從樂未央撲滿自緣錢作祟
鷓鴣聊以酒為鄉老來願棄人間世病去欲荒墻下桑
黃犢不嫌人日雨村村苗長綠微茫

殘雪初消月正明茅簷自雨竹窓晴
有寒聳聳吟詩骨
肺渴泠泠醒酒羹
少有梅方成野趣
不多松亦作江聲

高人合著山巖裏縱有窮愁澈底清

野性最於魚鳥親自知不是世間人生成雪壑冰崖面
收得煙蓑雨笠身楊柳春來青眼舊山林老去白頭新
毋多感慨令君瘦獨立斜陽一欠伸

吾生身事信天緣一死何須較後先未怕時逢真太歲
或言壽過古稀年窮餘祿料盡百甕醉負生涯囊一錢
又見山林春意思辦隨芳草落花眠

天與之愚竟不移經年兀兀槿花籬拙於生事可無粥

工乃窮人賴有詩只恁麼休身是客知何以故鬢成絲
寒欺雪屋青燈夜六十猶癡始是癡

綠繞西疇小作勞溪村寒入舊綈袍五窮政坐沒梁斗
百古不如無口匏穫稻條桑幽雅頌紉蘭餐菊楚離騷
客來更話唐虞上盍且卑之母甚高

鶴骨嶄嶄疾未瘳怯行山亦倦登樓久知老去自當爾
自入春來雨不休虛器甚慙居士屨實封難覓醉鄉侯
小遲須有佳晴日待試山翁已健不

春來多病感顏齡
草藥泥瓶不暫停
身似漏船難補貼
齒如敗屐久凋零
炎黃豈解留年壽
莊老聊堪悅性靈
長劍挂頭兒戲耳
底須麟閣更圖形

花柳村村奈老何
一春門巷斷經過
無繩可繫西沈日
有水皆隨東逝波
妄想已空騎鶴夢
勞生亦厭飯牛歌
正須秉燭遊清夜
轉眼蘭亭舊永和

幽溪幾日不曾來
半是紅香半綠苔
樂事每從忙裏過
好花偏向雨中開
慣貧可使居無竹
高隱共忻山有萊

投老田廬筋力倦不才多病兩悠哉

高下雲藏野老家縱橫水漱竹籬斜勤將春去許多雨
流出山來都是花白首風煙三徑草清時鼓吹一池蛙
身閒不耐閒雙手洗甌吹香夜作茶

南岡北嶺對窓扉看盡朝嵐與夕暉社後來曾聞燕語
雨中誰不惜花飛山醅約莫幾日熟沙笋輪囷一尺圍
莫怨風光損桃李荼蘼芍藥又芳菲

衝雨衝泥處處行物情殊不可詩情牡丹又是一年過

春事略無三日晴
先後笋爭滕
薛長東西鷗背晉齊盟
山居寂寞誰堪共
杞葉菊苗俱可耕

綠陰芳樹鳥啼春
與客相攜發興新
半落杏花初過雨
微酸梅子已生仁
每尋詩去必遷坐
穩跨牛歸不問津
筋力尚堪蓑笠在
莫欺老子髮如銀

淨掃小房不以貧
旋炊野飯喚比隣
子規啼處一村雨
芍藥開時三徑春
丘壑自成安樂國
漁樵尚有老成人
茅簷相對坐終日
只說桑麻語自真

題金粟洞

誰信東南有此山，幾回蠟屐只空還。
乾坤超出浮塵外，世界深藏粒粟間。
鶴不歸來華表在，犀從飛去紫雲閒。
捫蘿直上凌霄塔，見說微垣手可攀。

和瞻甫韻

住在壺中小有天，故山猿鶴作忘年。
雲歸每失碁盤石，人去不生丹竈烟。
肯信玉華空有洞，自貪黃粟便無仙。
我來立盡斜陽暮，猶撚吟髭風月邊。

過嶺作

崇岡峻嶺欲凌霄鳥道行邊去路遙客裏恰逢三伏暑
程頭方到九秋橋不堪流水嗚嗚咽賴有詩篇慰寂寥
但得此身強健在任渠皤鬢自蕭蕭

舊題寶勝寺壁

十里湖光鏡樣平銀潢一派向東傾寺從楊柳陰中出
僧在蓮花會上行佛地也容擔板漢梵音莫近採菱聲
我來借榻醒塵夢歸去吟詩韻更清

早過豪光嶺

輕烟護日曉霞明
身在豪光嶺上行
虎過新蹄看未了
犬逢舊客喜相迎
摘來山栗連蓬買
采得溪芹帶葉羹
一字推敲猶未穩
奚奴知我有詩成

郊行同張宰

雨晴郊外共尋芳
細水交流注野塘
花欲戀枝風不肯
柳纔舞影日還藏
轉添老態難於健
看得閒時少似忙
擬訪一僧共茶話
禪房扃鎖出遊方

和劉後村雜興

冬深差喜病根除，藥裹猶親酒盞疎。
門對好山純種竹，園通活水可澆蔬。
欄牙帶濕霜晴後，簾額移陰日出初。
時有郵筒遞詩至，吟餘便擬借牛車。

幾年待漏趣朝班，乞得閒身返故山。
公論盡歸恩怨外，清談不落是非間。
屠龍肯信無高手，畫虎雖成亦強顏。
馬革裹尸徒自壯，爭如投老得生還。

出處難為卜筮謀，植鱗無復轉巖求。
清風不度麒麟閣，

明月空沈鸚鵡洲采石僅埋吟骨在新亭猶帶淚痕羞
書生慷慨談時事未必膺門肯見留

避俗常關白板扉北山泉石尚堪嬉臨流且賦觀魚樂
憂國何消捋虎危自許丹心長戀闕獨憐萬戶未逢時
割雞為黍尋常事客至休言子為誰

邇來筆硯亦相疎野服焚香讀異書築室不須臨孔道
閉門只合造輕車有梅花處猶堪酒無竹人家不可居
涉世直消誠口過是非榮辱不關渠

誦讀未多才思慳數編遺醜落人間洪音互雜蛙蟬奏
封事空投虎豹闕揚震有知金忍受相如未死壁終還
且須靜守心齋坐學取筆瓢陋巷顏

累疏殷勤奏榻前憂時急似救頭然功名常是中年立
忠孝當於晚節全投杖歸來泉石上班荆坐向竹梅邊
烏臺無復詩公案弄月嘲風亦偶然

近學時粧越樣新空遺畝畝處忠臣燭之武老未為老
劉伯龍貧可是貧造物不應推若輩江山亦合助斯人

掛冠神武當年事明哲從來要保身

宦海風波亦足驚得閒聊爾慰平生雖無塞上雪堪臥
幸有山中田可耕一老拂衣何太勇羣兒撼樹漫相輕
絕憐千丈西涼瀑偏與人間訴不平

當日曾彈貢禹冠懸知出處獨今難寧將退翮翔千仞
誰肯模稜持兩端風雨筆頭猶老健江湖吟鬢未凋殘
十篇話破平生事留與時人作樣看

遊承天寺偶成

人間熱惱正匆匆，纔入山門便不同。
雲板聲中僧出定，月臺影裏佛觀空。
堂陰岑寂常如夜，殿角清涼不見風。
纔得浮雲間半日，明朝馬跡又西東。

春晴

寒齋淺酌喜新晴，絕倒湘纍賦獨醒。
清坐苦無佳客話，朗吟生怕俗人聽。
五湖四海雙塵屐，萬壑千巖一畫屏。
雲雨從來翻覆手，黃昏更看照泥星。

次洪陽巖太卿韻爲方蒙仲書監賦西清風月

莫聽幽人歌楚茨，鬻書空笑未多貲。治中盡說裴懷古，
館下曾宗韓退之。西望前山誰拄笏，南來別駕例能詩。
昔賢自有清標在，添在桐城一段奇。

寄朱靜佳明府

十載江湖嘆不遭，識君歲月漫蹉跎。文書南去靜邊省，
山水西來佳處多。琴調本高緣撫字，詩逋未了欠催科。
騷人標致清如許，製錦機中製芟荷。

寒食雨中用李希膺韻

平明風雨釀春寒，試把餽和杏酪餐。
野祭人來悲冷節，郊行誰肯共吟鞍。
煮香有約泉堪品，禁火無條燧莫鑽。
一百五朝全戒酒，定知夢不到邯鄲。

夜飲趙明府歸來偶成

睡思濃時酒已醺，主人猶自倒金樽。
綺筵散盡月初上，畫燭泣殘宵正分。
榕葉聲中清醉夢，梅花影裏返吟魂。
歸來小立樓西角，紫帽峰頭生白雲。

清泉院用柱間韻

僧居一路曲通村日落層巔生暮雲白石巧於山背出
清泉時向澗邊聞鉢盂未信承龍化錫杖曾經解虎紛
歸去鶴猿應笑我稚圭何必更移文

耕田

田可耕兮圃可蔬幾年夢不到亨衢山林受用琴書鶴
天地交遊風月吾事變無涯人老矣死生有命汝知乎
客來時復一盃酒盡作鱸鄉醉隱圖

代壽圓嶠顏文昌

原注時已引年致仕

長命新絲恰剪裁，瓣香南望祝蓬萊。
千齡春筭從天與，九節蒲根著地栽。
范不待年甘引去，文雖告老召還來。
肉芝幸有丹書在，留取他年薦壽杯。

壽趙默庵

九十風光老益強，一生長得對東皇。
結成梅子味初實，開盡茶蘼晚更香。
堯歷不隨春脚去，周天從此日頭長。
年年常記今時節，花滿朝冠酒滿觴。

和趙同叔送桂花韻

少年折桂已心灰，纔嗅清芬鼻觀開。
喜見月宮和影落，傳聞天女散花來。
黃金枝上留仙粟，白玉臺前絕世埃。
聚遠樓空成感慨，不堪時節苦相催。

包家山看桃花

春風吹到小桃根，便覺仙凡有路分。
紫氣直衝文德殿，綵霞隔斷武陵源。
錦官城向山頭出，玉蹕聲從天上聞。
一見園丘懷故土，令人寂寞暗銷魂。

次韻東李希膺

相逢一笑便忘懷
鼠量難當三百盃
幕府清閒無檄至
郵筒絡繹有詩來
分朋盡屏牛僧孺
取女親逢羊角哀
滿眼鶯花良不惡
春風吹上越王臺

東倪梅村

蕭寺相逢喜溢眉
未言心事我先知
半生風月樽中酒
十載江湖社裏詩
滿眼秋容闕客况
背時春色到南枝
翻思舊日長安市
醉拍欄干歌楚辭

用後村韻送陳先輩

休將心事問西隣
原憲長貧豈是貧
黃葉落邊迷去路
白雲飛處倍思親
世間那得埋金者
原上空慙負土人
苦語只堪吾與汝
倚廬抱恨此情均

南地

數點青來海上山
山根斷處水漫漫
爲無南雪地偏暖
纔有北風天便寒
生理盡歸蠻賈去
宦遊直作瘴鄉看
塵迷鉅野家何在
縱有雲梯見亦難

回文體二首

紅花濯錦織前山日暖啼鶯春晝閒空院古廊風寂寂
僻居幽谷水潺潺宮移舊曲新翻譜酒暈濃愁淺帶顏
同調賦詩吟思苦匆匆急遞走囊慳

灣前過渡小舟虛好景粧成天畫圖山列翠屏開戶牖
麥翻黃浪滾田圩閒鷗樂處晴波細暮鳥歸邊殘日晡
攀柳共人人恨別綿綿落絮有情無

存方寸地

此心僅方寸去天唯咫尺欲付子孫耕先自竭吾力

失題

成蹊雖無言嫵媚隨東風
挺挺冰雪姿所稟自不同
篇篇別蠹魚字字編科斗
螢小無晶光明月入我牖

光風霽月

胃懷自灑落風月特寓形
造物無盡藏何假乎丹青

一志

念頭纔起處此一帶分明
其中有主帥談笑驅五兵

汲清

原注 清湖渡頭有古井
趙庸齋題扁其上

慾波如濁流心源如古井不患無清泉祇惡無修綆

鱸鄉道院

宦情原自薄卜得吳松居鄉味已飽諳胡爲羨鱸魚

翠竹

修修青琅玕霜雪不可折肯隨流水去賴有歲寒節

張南起爲作葦航圖仍示以詩次韻繼賦

風搖古柳散羣鴉小艇尋詩來水涯身在江湖平穩處
一塵不到浪頭花

繫纜蕭蕭蘆葦傍酒和翰墨醉淋浪靈槎不泝銀河去
却向人間羨野航

過蒲城懷劉後村中書因以奉寄

村在山邊雲半遮懷人咫尺是天涯眼前不見玄都觀
空負碧桃千樹花

入洛深衣已十春聲名千載有知聞不須更結耆英社
溧水前頭獨繪君

當日揚清激濁流身危肯作稻梁謀不從黨錮諸賢死

竊祿偷生亦可羞

模楷從來屬李膺
臯比授業我何能
倚牆甚欲重參請
恐累龍門不敢登

郊行

杜鵑聲裏又花紅
處處陰雲日影蒙
心事太平人事好
眼前無物不春風

題馮中郎廟

論將宮中可策勳
至今香火密如雲
生時不遇孝文帝

金少曰居
卷十二
定有何人肯薦君

山中有花一種俗名花葉不相見感而賦之

世間燕鴈本無情天上參商誰會面花葉自是同根生
何事開時不相見

紅遠

濃淡中邊費剪裁朱唇得酒笑顏開春風不度西流水
休說杏從蜀道來

觀中原指掌圖

月明空照八陵碑
玉館瓊樓失舊基
故國不堪回首處
西風滿地黍離離

觀丙辰省試宣鎖作

四海文章屬品題
老夫刮膜有金篦
諸君熟讀阿房賦
未必能爲五色迷

撒幙焚香冰鑑開
觀君切莫負多才
黜邊取迪渾閒事
只恐紛紛擲甃來

一窓絲雨一簾風
當日齏鹽滋味同
見說主司多好句

肯將蠶蟻待諸公

過釣鈎嶺悼亡友盛景韓

一見冥旌作許愁
西風飄落冷颼颼
早知真氣無伸處
悔不當時曲似鈎

暑中雜興

一刻之間直萬金
苦無人可共幽襟
成年不作西湖想
聽得啼鶯不自禁

不慣山中夜
月寒滿窓樹影
蘚花乾移床
近壁不敢臥

恐是龍蛇之屈蟠

今年不上一竿竹渠豈於人亦世情風雨尚餘千箇在
結巢吾欲聽秋聲

白鷗吾有一日雅疇昔見之相與親滄浪忽欲從此逝
嗔我手揖無詩人

是非不到野溪邊只就梧桐聽雨眠睡熟不知溪水長
鷺鷥飛上釣魚船

平生多可曹修士說我唐詩最逼真不道蹇驢風雪裏

金少川八十二
卷十二
何如黃犢過比隣

俚謂革華烏脚鬼吾尊毛穎黑頭公與華作傳何為者
穎則萬世辭文工

只鋤蔬甲亦妨閒久與溪雲斷往還今日偶來僧却在
共煎茶喫話廬山

辛丑上元

官府張燈試太平斯民從此不聊生使君只聽笙歌沸
不聽閭閻愁嘆聲

雙髻山

千古了鬢高插天
淡粧濃抹傳雲煙
眼前不見峨眉老
獨有青山長少年

次韻烹筍一絕

錦裯纔脫見龍孫
便好西園到玉尊
滿肚歲寒無著處
此情難與俗人言

西來洞天

可是胸中負怪竒
一丘一壑儘逶迤
自從猿向西方去

金少曰居人三言
卷十二
鷺竺飛來未可知

送梅村歸三山

此別重逢知幾秋梅花雖老更風流東君未漏春消息

罰與人間作蹇修

原注時爲王留耕之孫請姻于泉

獨笑坐鞍自課詩江雲雨樹兩依依客情生怕西風惡
纔入秋來便賦歸

遠將歸

不勘圖經認地名亦知此去近桐城行人未至心先至

差勝離家第一程

鶴不歸來華表閒
輝金耀碧滿湖間
後來若有林和靖
定不吟梅向此山

寄題春谷監簿

敲碎吟扉杳不聞
數聲犬吠谷中雲
幾番欲去重回首
立盡斜陽不見君

丹青閣

紫芝峰上一凭欄
煙草茫茫天地寬
眼界已隨流水去

丹青無復舊時看

失題

抱琴終日坐槐庭萬綠陰中一掬清天地山河俱蔭庇
肯將風浪向人生

年來古道不堪行盡避君厨俊及名莫枉錐刀鞭算手
且調金石擊撞聲

謫居姜相庸奚損貧殺元英直是清風月分來無著處
摩挲海眼看長鯨

梅答

多謝東君為主張十分霜雪十分香
開時已辨和羹料肯入風流時世裝

西湖寒食

寒食風光不動塵西湖幾處淚沾巾
客中忽作松楸夢羞見原頭滴酌人

西陵橋

界破蘇公十里堤雕梁軋水漾虹霓
杜鵑也戀錢唐景

不向西陵橋上啼

梅坡席上次韻牡丹

爲甚花神受氣偏
却來南地逞春妍
紅未數青州種
粉白猶疑洛浦仙

不學時粧添酒暈
休將風景對茶前
沈香亭北空回首
目斷關河萬里天

失題

一別家山不計程
斷人腸處若爲情
客牀欲結鴛鴦夢

夜夜相思睡不成

柬石軒

便著工夫去看山
蘭亭未遇莫空還
向來一段風流事
只在茂林脩竹間

義谿舟中

夢裏不知身是客
却疑身是老坡仙
羽衣道士飛將去
月在波心人在船

春遊

不爲尋芳出錦城，偶隨吟杖繞山行。
春風的是多情物，吹下紅樓笑語聲。

遊天竺靈隱三絕

遊山此是第三回，天竺禪門八字開。
已斷此生休佞佛，又隨人去乞靈來。


呼猿纔了復臨流，洗出胷中一派秋。
泉石世間真富貴，幾生修得到巢由。

冷泉亭角坐移時，試看孤峯飛不飛。
峯自不飛人自醉。

暮鴉棲了更忘歸

感懷

曾將敝帚棄墻陰十載塵埃懶重尋
今日攜來掃花徑
老夫安得不關心



欽定四庫全書

集部

江湖後集卷十三
四

詳校官庶吉士 朱理

助教 常循履勘

謄錄監生 汪麟

謄錄監生 吳殿英

欽定四庫全書

江湖後集卷十三

宋 陳起 撰

曾由基

由基三山人

題畫梅水仙山礬三友圖

野梅清靖節水仙韻坡公山谷秀而野厥有山礬風陶
蘇黃三君時異風味同後人思典刑寫入畫圖中

贈貴官家小姬

小蠻初按曲趨拍入涼州宮羽偶失次回眸顧部頭部
頭色微嗔面赭含嬌羞低鬟語同伴周郎曾顧不

用坡仙鬱孤臺韻送鄭繡使還朝

人人羨登仙去作上界遊誰知世蒙恩公其晦叔流衆
芳正回春一葉偶似秋靈修豈數化宿莽休檻洲却憐
貧榮人前後幾蜃樓策今陳洛陽

原注時
上封事

疏肯諛滄州

原注曾南豐久在
外滄州疏太諛

閭闔浮雲開臺閣清風留所期共推

慶歷車可復偏重元祐舟

賀林正字

道山羣玉聚前輩說乾淳近代豈乏士清時賴有君誰
傳艾軒派喜得嫡孫親所欠非榮進名流萬古芬

遊益公平園懷宜春周宰頌詩

丞相非嗔客名流每舉樽魚烹惟沼在鶴化有軒存惜
欠堯夫子幸生夷簡孫

原注宜春宰
乃益公侄孫

平泉落誰手文獻

說平園

病起幽園檢校

病起無情緒池邊日幾回
蟲聲低覆草螺殼細生苔
暑退蘆將變秋殘蓼續開
久消環繞迹全若未嘗來

送廣西鄭經幹并簡經畧

五嶺宜人地君今捧檄行
但拚窮徹骨不到黯無聲
婉畫從違裏編氓休戚情
祖筵誰執爵三祝石先生

古寺

殘經閑竹几淪茗供花瓷
法窟寂無語禪容晚帶饑
蟲縈道子畫蛩響外孫碑
風定聞跣磬玄闕却自知

趙歲寒昆季三人拉李學諭余同遊南湖次歲

寒韻

紫麒麟檀豈身榮腹有詩書氣便清野酌雅宜招勝士
貴遊大半是宗英主翁舊有登堂約古樹今知夾道迎
賸欲索梅同一笑却隨畫角弄初更

宦轍

宦轍馳驅塵滿襟解鞍呼酒小登臨天垂碧處秋江淨
山弄紫時西日沉韓記合還渠老手王詩似不要新吟

撐天拄地吾儒事過耳飛禽空好音

與中朝故人

自憐骨相太遼迤為米折腰依舊貧古史多看多警省
新詩愈改愈精神與游造物真知己怕說天朝多故人
蘭菊有時忙不得世間桃李幾番新

胡講書赴張國錄講席之招良月也

初日融霜泮水清鵲袍翔集宿中庭先生有道如陽月
太白占祥聚德星安定重來闡湖學橫渠端坐講西銘

自憐一唯無傳久避席何時覲典刑

送玉堂守永嘉

袞袞諸公塞要津獨當椽筆演絲綸久陪清禁聊均佚
誰道明河不可親畿郡喜迎賢太守帝旁却欠直詞臣
逸才畢竟九天憶應謂禁中須此人

余秋責余不歸責之誠是也余非敢忘鄉井而
答以是詩

免狡應多穴狐妖解首丘一巢鳩樣拙何計老菟裘

西湖水合忽見小舟

四望黯同雲平湖墮銀漢一葉柳邊來應是寒澌泮

嘲蠟梅

孤芳不被雪霜欺占得南枝最崛竒氣骨不凡風韻少

呂鑿初見退之詩

聚景園追涼

五雲縹緲護蒼牙不是尋常富貴家樹樹風蟬涼意足
衣巾時復墮槐花

題昌黎傳後

唐治百年生退之行藏端的係興衰三書何用干時宰
天使斯人欲有知

題潘庭堅樂府後奉簡陳僉書

性靈底物堪陶冶郢曲彌高和彌寡錦囊勿使六丁偷
會有昌黎賞東野

晚思

風號谷應樹聲喧陰雨瀟瀟南北村倦翼投林舟宿港

滿懷秋思立黃昏

題陳陟岵寺

幽泉落竇碎瓊聲疑是朝天環珮鳴
遶寺杉松皆雨露
不應秋葉似思輕

題御愛牡丹

天香不數魏姚家
玉砌雕欄護絳紗
聞說弓旌遍巖穴
憐才應是勝憐花

王湛

謚字子信陽美人有潛泉蛙吹集

上之回

蠲吉辰薦明廷祇中壇賓萬靈醮祠壽宮禮太一東祀
天孫西太室靈芝寶鼎昨元封親郊雍時回中峯中峯
絕峻天所劃百神驅道平如席雲髻秀草高拂空翠輦
玉鸞鳴霹靂試憑蕭闕望朔方月支稽首樓蘭降復朝
獨鹿狩鳴澤芬樹羽林歸建章建章壁門春晝永井榦
泰液多游幸千秋萬歲奈樂何幾度鸞旗出安定

張守送酒次敬字韻作詩謝之遊北山

有客可與遊，闕酒得無病。豈意四從事，過我不待請。洗
杓挹風度，兔慙林花盛。公學此味如，渾厚兼醇正。公量
虛谷如有來，良善應肯分。兵厨瀝少佐，筆力勁罷營。杖
頭錢徐取，松間徑登臨。舊能賦七發，踵枚乘此興。老來
衰，西日尚餘映。風怒雷再鼓，雲破天一鏡。山花下野鳥，
詩題一堪命。府公文章伯，聲稱聳羣聽。明朝倒錦囊，非
是庶所訂。豈伊綵鳳鳴，而聆露鶴警。定知謝東山，凡百

易子敬

黃雀詩

畢逋秦氏烏差池吳宮燕秦人挾彈巢若危吳宮遺火
巢空散不知野田雀終日茅簷角卑棲俛啄蓬艾間不
畏鷹鷂與繒繳

贈茅也休

逢人說也休舉世任沉浮清磬野雲曉素琴山月秋詩
材頻料理世事不經求每向滄波上時時戲鳴鷗

金華日人合編
卷十三
觀面祇談道知音不和詩盈樽清竹葉圍坐古梅枝煮茗雲生鼎抄糜雪滿匙張山山木落何日又追隨

贈括蒼季此翁

君來古括州吳楚一節遊衣染匡廬碧詩清雁蕩秋山行尋隱逸野坐傲公侯不欲携書獻文章生古愁

次韻謝惠山村送水仙

自是神仙客梅花亦讓青綠垂雲葉重黃映雪花輕襪小凌波穩杯斜帶露傾一枝來贈我吟几覺春生

早行

曉入荆溪路西風快似刀雪深埋樹腳水淺見溪毛
歲序相將換人心只自勞牧童牛背卧令我愧兒曹

送薛端夫赴武學赴舉

溫然如美玉文以武兼之發鏃妙穿的揮毫不待思
行途多早氣參學已秋期捷報重陽近黃花汎一卮

煮筍

桉有磨人墨囊無使鬼錢難教典班史只可折花鈿
破

屋日多雨頽簷夜見天山童因煮筍庖下始生烟

飯罷

飯罷扣松闕襟懷分外寬凍雲深擁寺寒瀨淺鳴灘苔
剝碑文字香縈古篆盤尋春難著句為怕起愁端

雪意猶商畧溪雲半有無短莎眠野犢枯樹點寒烏牢
落詩仍在蕭條歲已徂過門人挽住相倩寫桃符

柳絮

解作漫天雪終成滿地灰行空無墨礙入幕任徘徊巧

赴蜂鬚去輕隨燕翼來顛狂渾不定飛舞過樓臺

北林

經行到北林此地轉驚心
小市魚蝦貴荒村竹樹深
帆檣侵柳影冒屋占溪陰
詩罷還飛去沙鷗識苦吟

宿北山

兀坐苦無營乘閑偶訪僧
山深雲作伴庵迥石為朋
古木含蒼蘚幽花落翠藤
昏鐘三扣罷童子上香燈

四壁靜無人脩然夜不驚
龕燈光焰薄紙帳夢魂清
有

月山猶暗無風松自鳴結茅終隱此高枕待升平

入邑

馬踏新松影衣沾秀麥寒藤花綴纓珞竹筍透琅玕詩
向閑中得心因靜處寬一聲幽鳥嚙深在翠林端

野蔓侵沙徑山泉渡口梁樹頭蠶甚熟籬下雀梅香人
與春光老閒隨日影長撚鬚吟不就窮殺孟襄陽

題褚道士雪巘詩卷

五言與七字句句摠清新但得詩囊富何憂客路貧梅

花一嶽雪瑤草半岩春著我司盟去吟邊養病身

酌趙懶翁求墨

會面苦無因緘書意亦勤相望七十里僅隔一重雲有
句來求墨得詩如見君從知相憶夢花下擬論文

道傍廟

荒祠存玉像畫壁剝蒼苔額古名難問村空祭不來亂
鴉號古木鬪雀冒浮埃猶有人求玃西風動紙灰

生日

又是逢初度紅稀綠暗時自斟生日酒閑理去年詩活
計惟書在衰容只鏡知人情與天道翻覆似枯基

旅中述懷

未晚僮先卧無聊自展衾一燈愁裏夢數首客中吟隣
舍誰歌曲譙更遠送音秋風催素髮憔悴滿華簪

到此

到此添離恨垂楊已拂肩擔輕綠少鎗衣暖欲抽綿春
事遽如許客懷殊未然竹籬沽酒市雨濕杏花烟

乍歸

去日猶殘雪歸來夏氣清
閑隨白雲出看到綠陰成
野色供詩料山光快客情
路逢鄉父老駐足問行程

過山家

此地知誰隱當門列翠屏
栽花多是藥題壁半書經
粟鼠咀紅果山禽墮翠翎
峯頭宜眺望只欠小茅亭

簡劉吉父

長安為客者皆是利名人
只有君同我惟添病與貧
秋

風籬下菊夜雨水邊尊擬共租船去歸家趁小春

簡章伯和

論交三十載彼此坐詩窮只恨性各別其他心盡同
茶苗封穀雨書葉寄蘋風無限懷君意鶯聲綠樹中

舟行即事

釣艇橫溪水漁罾搭槿籬年豐翁自樂酒熟客先和
涼吹生蘋葉斜陽戀竹枝苦吟渾未就倚柂立移時

答章伯和問疾

伏枕屢經旬醫庸藥不靈自從春意動纔覺病魂醒露
洗桃心赤風揩柳眼青勞君相憶夢每夜到巖扃

贈筆工

試子玉簪筆他工總不如毫長宜貯墨管淨可抄書汝
自誇淮兔吾猶註魯魚鬢毛斑白盡心折正緣渠

吳江橋

松江期一到二十二三年今日身臨此憑虛骨欲仙塔
連吳苑樹帆帶洞庭煙見說鱸魚羨囊無斫鱠錢

招玉淵

欲言非一事曉夕待君來吟屋新裝辦開門未敢開春
光歸巷陌山色入樓臺猶有梅花在相期把酒杯

題詩僧亞愚眉白集

向來已觀集今見自吟詩天下有清論僧中真白眉淡
如秋水淨濃比夏雲竒慎勿輕拈出常人罕見知

到李山寺

策杖扣禪坊空山草木長殿荒人聯席僧去佛無香榆

樹苔衣綠松花粉穗黃茲行無伴侶獨自繞修廊

為簡上人賦古色軒

簡師得道不參禪燕坐常居古色軒夏禹告功遺跡在
任公垂釣有車存海通泉洞深千尺寺映重巖月一痕
何日短筇塵外去瓣香來此叩玄門

小舟呶啞渡橫塘十里秋畦粳稻香莫怪雨聲驚客夢
要催詩句入行囊重過蘋水波浮綠遙見菊籬花正黃
佳節莫論重九後艤篷獨酌汎茱觴

虎丘

原注晉王珣故宅在此

五百年前吾祖宅雲孫從昔未曾經
山藏古寺窓連碧水繞平田
稻正青臺染夜雲微帶潤
劔涵秋水尚餘腥
僧堂借得羊毛筆自蘸寒泉寫石屏

遠出乍歸

五旬行李經吳越四月風光正
惠夷綠水悠悠晴脉脉
青條總總實離離飛來何處
雙黃蝶叫徹他山一子規
却把閑身成倦客關心書几
畫長時

簡吳若清

絲桐掛壁戶常扃雅弄深防俗耳聽
滴露研朱重點易
焚香炷火細翻經
山含晚色千峯紫
松傲新霜一派青
獨向巖扉抱高隱
有誰能識少微星

舟行

前面人家是畫圖
數間茅屋映菰蒲
濛籠雲裏羣峰出
欸乃灘邊一棹孤
歲熟農人還自樂
天晴水鳥競相呼
絕憐兩岸垂絲柳
比却來時一半枯

次岳尚書韻

細字書橫雙眼明
破窻閱盡幾陰晴
年來干祿渾無夢
老去吟詩尚有情
謾向紙田耕石硯
斷無金縷侑銀觥
和篇聊博先生笑
應笑寒儒太瘦生

寄王仲衡尚書

世態翻雲覆雨間
令人合眼夢還山
生平名義入肝膈
歲晚師門要面顏
鷗鷺波寬雖有約
鳳凰城近可容閒
留年看試調元手
未擬安仁賦拙艱

歸山

特地捫蘿入翠微
楊花故點征衣
遊人盡逐暮光去
野老獨攜山色歸
擬泛銀濤浮浩渺
難尋玉貌問芳菲
吳亡越伯渾休問
且買清樽送落暉

留山庵

遙山一望青如染
到得山邊却不青
松徑有風常自掃
巖扉入夜不曾扃
燒殘柏子重添火
沾得村醪旋倒瓶
却羨山僧無一事
日長簾下自翻經

病起

連日新晴愜病懷
踰藏一室絕纖埃
出來未得寒猶在
窮不奈何春又回
酒盞慚踈朋
舊少紙簾不為俗人開
日長自有閒工課
汲水銅瓶浸古梅

借樓

借得小樓聊寄蹟
夜深猶自未扃扉
鼠搖暗壁驚人夢
螢度破窻粘客衣
舊隱圖書從水汎
後園松菊與心違
思量應被沙鷗笑
煙雨滿船胡不歸

題雲海亭

二十年前曾到此重來又是晚春時
蘆因水長全然短山被雲遮分外奇
漁艇添成古圖畫鴈行點破碧瑠璃
布衣憔悴江湖客閑倚欄干自覓詩

秋風

去年相遇釣魚磯今歲飄飄又入扉
渡月薄侵蟾兔冷拂雲輕助燕鴻飛
逗遛餘響驚殘夢催促新寒上袂衣
欲把絲桐傳此曲破琴絃斷損金徽

泛苕溪

六幅蒲帆去似飛，浪翻新漲綠。沿堤一川水墨，王摩詰
十里鶯花杜牧之。雲遶楚宮，春雨後煙籠秦樹。晚晴時
人生來往情何極，江北江南酒一卮。

遊善區寺

閑來古寺欲忘歸，無奈征塵染素衣。綠葉雲稠荒澗水
白雲青濕舊禪扉。牕涵遠色明丹篆，鐘冒嵐煙入翠微。
盛世登封今已矣，斷碑無語對斜暉。

友人招飲

故人邀我共清樽躡屐歸來已半醺無限雨聲供醉筆
一窻燈影共誰分銅瓶火煖鳴天籟寶鼎香殘拂岫雲
今夜夢魂清更甚扁舟冷伴白鷗羣

入山

入却山來事事宜眼邊何處不關詩風飄花片上書冊
水浸山峯入硯池酒欲飲時斟易盡碁當勝處著嫌遲
箇中自有無窮趣莫遣兒曹取次知

送墨與則上人

遣送書齋小淨瓶
麝煤藏久帶芳馨
難書八萬四千偈
只寫多心一卷經

苕溪舟次

扁舟煙重冷漁蓑
兩岸人家浸小河
芳草自生春自老
落花隨雨晚風多

山庵即景

一炷清香一局棋
坐看山雨到來時
晚晴獨步出門去

雲掛碧青松樹枝

十月晦日睡起

睡起西窓午正蹉小春天氣尚融和顛狂絕笑簷前蝶
不道殘陽已不多

次亞愚韻

萬里春光眼界明半牕斜日醉魂醒有時夢入廬山去
瀑布聲中拄杖行

絲絲楊柳拂輕烟那惜床頭買酒錢此段風流如不賞

一般佳致又明年

梅臉爛斑褪粉粧桃心依約暈輕黃春風花草經行遍
次第安排到海棠

寒梅一樹照清池花底媽香尚覓詩稚子不知吟思苦
却來池上數魚兒

嘉興戊戌季春一日畫溪吟客王子信為亞愚
詩禪上人作漁父詞七首

蘭芷流來水亦香滿汀鷗鷺動斜陽聲欸乃間鳴榔儂

家只住岸西旁

翁嫗齊眉婦亦賢
小姑顏貌正笄年
頭髮亂髻鬟偏愛
把花枝立柂前

湘妃淚染竹根斑
風雨連朝下釣難
春浪急石磯寒買
得茅柴味亦酸

滿湖飛雪攪長空
急起呼兒上短篷
蓑笠具畫圖同鐵
笛聲長曲未終

離騷讀罷怨聲聲
曾向江邊問屈平
醒還醉醉還醒笑

指滄浪可濯纓

白髮擊鬆不記年扁舟泊在荻花邊
天上月水中天夜夜煙波得意眠

只在青山可卜鄰妻兒語笑意全真
休識字莫嫌貧方是安閑第一人

李自中

自中字文仲盱江人有秋崖吟藁

篔簹萬箇黃雀每棲息其上一息風雨颯至忽

聞有殺聲呼童眎之乃鼯啣也故為之賦黃頭

雀

黃頭雀觜交交尾倬倬突然散去雲路邈東村四面禾
黍稠欲下未下驚呼儔牛羊上山鷄犬睡翩躚蹙步來
相求日斜深塹有羅網投宿青冥依稀蕩沙鳴羊角轉
崢嶸蹴踏虬枝猶倔彊誰知簷下息爾軀夜半瀝血逢
精鮑唇焦舌爛救不得一縷性命才湏臾君不見螳螂
捕蟬上高樹企足昂頭忘反顧人生吞噬更可憐臆月

未窮誰悔悟

初夏旅况

南山北山雨濛濛鎖斷翡翠千萬重茅簷剥啄鳥未散
練帶野水來相衝土堦莎草如箭鏃冷透簷簷清入骨
雷公挾斧渡長河拋擲牟尼三百斛一身蒲柳寄天涯
白雲何處栽胡麻江湖夏潦魚鱉亂錦袍夜月乘仙槎

麻姑山作

小小茅簷下清吟對此君溪深春漲雨山闊夜藏雲地

濕松花冷天晴樹色分
敲門尋道士鷄犬隔籬聞

送曾景建道州聽讀

晚節傷弓未足憐
江湖因此累諸賢
名標宇宙千年在
事屬朝廷萬口傳
湘水有情空引些
春陵無事早歸田

多年浪說飛昇識
不擬如今尚悄然

原注景建嘗為余
言某年某月某日

曾極飛昇有
金篆符識

題南康縣山寺

絕無常住只隨緣
石榻焚香向佛前
風折碧梧能幾日

欽定四庫全書

江湖後集

卷十三

三

鶴巢白塔已多年無人去剗階邊草有客來探井底泉
休笑空門長寂寂近時地上也流錢

南昌樓贈符子威

占得南樓第一涼焚香終日話蒼茫客來酌酒烹茶外
雜採山花供藥王

春曉

門瞰青山侵草開苦吟吟上最高臺春風誰遣鄰家去
成陣落花吹過來

董杞

杞字國材番陽人

遊招真觀

溪旁老子宮古松奮蒼鬣修迺烟霏深中巖祠像設巖
頭流雲漫千丈藤蘿結猿獠躍其間手疑攀日月巖下綏
經行人間諸想滅文楸飛電鏗朱絃浮磬徹此山宇宙
初誰擘坤軸裂六丁曾一戲萬古留洞穴仙翁昔此棲
還丹成白雪佩環昇倒景遺臺猶岌業菊秋風日佳歸

艤雙槳歌便欲芘三間於此謝塵劫

水泛及門用老杜江漲韻

雨聲喧晝夜不斷洶簷流籬落維孤艇溪湖失舊洲訪
君無去路狎我有來鷗濤浪相欺得衝門鼓白頭

西園

何處西園好樓雄說媚川村環春色水樹帶夕陽天客
促雲間棹漁吹浦外煙且來窮燕賞著句剩流傳

用洪憲韻自述

壯志摩雲一劍閑
欲屠石堡斬樓蘭
功名努力車登坂
歲月驚心水下灘
小小茆茨漁子舍
星星鬢髮腐儒冠
高山流水無窮思
整頓瑤琴試一彈

過彭蠡湖

客子扁舟故里還
烟收雨霽出蘆灣
浮天浴日重湖水
鎮浪回風四望山
遠樹離離飛鳥外
征帆點點斷雲間
漁翁活計一篷底
愛汝白鷗相似閑

題水陸寺

殿樓邊翠麓窓戶俯清湘遊客匆匆去高僧白日長

題薜蘿

春花狼藉餘六出淨煩熱衲衣凝夜禪香散深林月

阮閣

陰陰松竹合幽鳥傍人啼一局枯棋罷曦輪又欲西

暮春聞張思順歸期

小園寂寞鎖青春桃李留花待主人青子已團濃綠底
歸艎猶未到溪濱

陳宗遠

宗遠字巽齋有寒窓聽雪集

擬古

蠶絲圖利人利成身已烹
蛛絲圖網物網成身益傾
漢興弓犬棄楚亂蕭艾生
禍福乃如此吾道烏能亨

有感

天地不殞立人為天地
心世無經濟學何以任
彌綸沛興園綺隱淵啓
虬髯驚漢唐造草昧數
子留其名我非

煙霞徒息養離世氛我非雲水客眼空觀劫塵有身必
有用用世非榮身善性自孟子惡性由荀卿氣質誠有
駁良心乃其純荀卿言治氣孟子言養心治如治稊稗
惡去善自生養如養佳穀善長惡亦亡善善而惡惡孟
荀同臭馨安用泥口耳紛紛爭異名寥寥數千載塵迹
汗簡青麟死不可作紀例存其文世無公是非安得真
勸懲西漢豈無人氣節冰雪清東漢豈無人長厚性質
淳特立違時好心事竟埋堙紛紛瀾倒徒空羸身後名

有感

呢喃燕賀厦嘹唳鴻漸磐戀主江南暖來賓塞北寒炎
涼有變易去就無留難勿嫌烏鵲噪朝朝止屋端

異獸

甬東有異獸俗名訛曰歆其形類猴獾或謂虎之精逐
人求口食呶啞小兒聲滿望乃謝去不遂輒生嗔利爪
挽人目烏喙啄其身膏血盡且死適意方欠伸行道足
一迹深山晝掩門衆疑心是獸何乃面如人不知椎剝

吏人面而獸心

戲同舍與內競

原注龍泉人

龍泉函氣清
歐冶吐霞綺
干將墜龜文
莫邪潛漫理
藏鋒金匣夜
光芒銅花玉
暈相磨砥
雄雌一落東
與西相從不隔千
山水憶妾與君
差池飛送君
挾策游京畿
暮雲空碧鴈
度遠畫梁寂
寞鷺來遲
但願月宮分
彩色豈恨霜
閨弄落暉
君方倦羈旅
妾亦厭粉土
錦水鴛鴦巢
漢林綺翼飛
翔交媚媼
有時嬌妬
不自持
佯嗔不肯舒

眉宇逢君貧困泣，牛衣舉案低蛾似。頑魯誰知志滿凌，
暴生剛腸便不愛卿。卿望斷犢車揮塵急，飽負虎喙攘
臂輕松栢。故無情凌霄植根蒂，柔蔓托高翹。歲寒忻附
麗，何為絲蘿親。反有榮悴異，昔日淚霑衣。長嗔失意同
寒飢，今日衣擁淚。翻怨得意由輕肥，炎涼世態得失間。
怨君却悔嗔君時。

夢遊月宮

原注壬辰省闈已
中而黜因賦此

蜿蜒絳彩垂霄路，白波渺渺散寒露。橫空擲綺結飛梁。

卷十三
數鍵青雲匝風御颺金排玉水晶宮鸞佩霓初笑相遇
兔停玉杵取玄霜吳質無端強猜妬窺見腰中三尺水
便疑斫却婆娑樹桂香廣陌不得留灼灼修娥謾回顧
天孫飛梭織冰紈帝子吹笙濕香霧笑指瑤臺十二層
只怕結鄰未相許潑潑金樞煙水寒會駕飛輪撇波去

過橫遠途中

蠶桑事已過耕稼老農勤橋斷荒村雨山埋半嶺雲小
松穿石出野水落田分茅店傾醕酒相看亦論文

病起

事業書千卷生涯菊一籬約居慳問卜多病頗知醫看
鏡癯添骨接髭笑解頤閉門方得趣不誦北山移

送洪宰西歸少歌漁春渡是日風雨

送客來孤店踈軒竹數莖歸帆出煙雨羣吏立沙汀似
我情何悄如君事最榮待無雲隔岸漁看遠山青

寺深

寺深幽寂寂四月似秋天夜久聽山雨晚來添石泉斷

巖風嘯木踈竹鳥棲煙鐘鼓林梢動空堂已罷禪

安仁樓間晚晴時送默齋伯回星江

已是悲秋客那堪送遠人亂山殘照慘落葉晚風頻去
恨隨帆遠回頭轉意親明朝相憶處鱗鴈達情真

呈豹林伯進齋表叔

曲逕禪房午幽風動古林泉聲落澗靜磬韻隔雲深空
谷留禽語青山洗客心頓然忘俗想來此不妨吟

資政入村造壽器謾賦

功成身退從來少，綠野超然洗俗埃。
閑出西疇營六槩，勝傳南極映三槐。
迎門村婦攜兒拜，遮道田翁帶犬回。
競喜鳴珂歸舊隱，爭如鷗鷺不相猜。

八月初五日有懷舊事

看來擾擾總何謀，且把行藏用酒酬。
籬菊趁陰移別徑，江楓向晚落行舟。
秋蟲在壁催人織，歸燕辭巢戀主愁。
今日去年風物異，錢塘還在望山樓。

題蕭季賢雪澗軒

避喧寬結小茅廬庭竹栽多引鳳棲滿地松釵風嘯木
隔窻漁艇月涵溪歸鴻目送雲間失賀燕巢成棟外低
料想春殘曾有夢謝家芳草綠將齊

呈陳介叔

青帝東來駕綵鸞燒燈過後少晴天逢春已辦穿花屐
阻雨先尋載酒船但覺野雲生樹外不知溪水漲灘前
落梅有恨香還濕不得飛來傍舞筵

春日書景

狼藉殘梅滿地香
遊蜂終日趁晴忙
芳堤細草鱗鱗綠
深院垂楊裊裊黃
暖霧未消山失木
春風無力曉侵裳
眼看景物關情甚
亟把詩吟送一觴

冬晚

簷樂無風靜自鳴
開牕亦復使眸醒
投林倦鳥低翻翼
觸紙癡蠅細有聲
籬外半懸紅子落
墻間少見綠莎明
陽生陰後春來近
準擬新詩為發萌

因雨遣興

卷十三
細雨冥冥風頓淒，微沾沙路不成泥。
珠排簷網凝絲重，瓊積荷盤壓柄低。
青草岸頭三月暮，黃梅葉外一山迷。
小塘水滿魚過塹，隨浪流溝入古溪。

春雨遣興

靜看何物不關情，屋角青梅子已成。
巢拂舊塵迎社燕，花移新樹欲流鶯。
寒生簾幙深春雨，暖卜園林甚日晴。
病起無聊休把酒，東君去住亦堪驚。

題汪表叔對表府起借軒和韻

朱門虛老濟川材鏡面芙蓉取次開莫怪偷光鄰士壁
絕勝附火乞兒堆拂塵尚欠千尋竹極目何須百尺臺
魚鱉不知誰是主也隨流水向東來

原注表叔所
居面西故云

傳聞八月十四日唱名

北斗三魁夜吐芒競傳臚唱擢王揚遙知天上輪光滿
先放人間桂籍芳失笑月烏空繞匝那知雲鴈不成行
姮娥留取十分好萬里清輝分外彰

代壽

自上黃樞贊萬機曾將謀畧定邊陲平淮便放裴公逸
去越猶嫌范相遲歛滌池塘蓮萬朶嬋娟亭館竹千枝
居東賸有明農志歸袞應賡七月詩

代壽某帥二首

當年禁履上星辰便合登庸秉國鈞蓋海旌幢紆出鎮
濟川舟楫已知津但從渤海清沂泗肯把關河自越秦
醞釀早成六月雨一朝翻手洗炎塵

三年姬袞尚居東官府清平冠六雄仙洞蟠桃紅映日

山亭修竹綠梳風已將儒雅安時俗更即人和驗歲豐
儉幕棲身無以頌元龜遊戲出蓮叢

壽陳府博

三嶼縈紆秀且竒茗華琢采妙工倅高羅絳帳聲盈耳
戲着斑衣笑解頤魚藻留連依水密鳳簫準擬向陽吹
的知梅信傳東閣先訪南宮第一枝

代壽帥書三首

欲看棠陰續世傳重移星履下鄞川風薰轅戟清官府

日煖瀛壺小洞天塞外不傳青海箭幕邊穩泛綠池蓮
箇中便是神仙境何必崆峒訪偃佺

勲業從來簡帝聰東溟還復奏膚公庭前修竹添新綠
洞裏蟠桃依舊紅野渡橫舟人未老大川作楫路將通
願觀整頓乾坤手不負當年射六蓬

笑談樽俎有餘歡不獨民安吏亦安競喜鰕生蕪盛賜
那堪鶚表錄微官投機已發千鈞弩速化仍資九轉丹
青眼相逢尤異處他年翹館舊門闌

郊祀慶成詩

寶歷登三禩，觚壇類兩儀。居歆修大報，肇祀述前規。
景迂初陽吉，齋嚴一月期。采章循節儉，緼豫屏紛離。
輅象停方貢，兵驂却道馳。殊庭崇祝告，太室款靈娛。
黃道晴曦麗，青郊湛露滋。龍常騰旒旆，蜺羽勝葳蕤。
列戟森賓衛，嚴更警禁帷。蒼圓尊上帝，黃粹見方祇。
馥郁陽宮燎，芬芳帝籍粢。非煙浮羽籥，叶氣冒尊彝。
濟濟鏘圓玉，莪莪會采璫。雲裙紛下逮，月壁粲昭垂。
合奏諧純繹，登歌

美緝貳觴勤竢獻虛次迄親祠翊翊靈施佑襍襍嘏
致祠招搖回左翻闔闔敞南離侍仗朝紳擁升樓禁蹕
隨臚驩皆岳抃驛赦霈皇慈都號登瑤冊追思遺寶龜
燕謀端有自鴻祉浩無私肅穆東朝賀登閱宣室釐慶
綿千歲統歡奉萬年卮盛事輝三古龐恩被八維至誠
深可卜滿假務深思兢業傳家法盈成保慶基萬方嚴
表正九簣戒功虧帝壽齊南極邊塵靜北陲具臣懷美

報成命繹周詩

送友人

黃梅浦遠草萋萋風細孤帆雨後低
漁笛一聲何處作
故山回首白雲迷

憫農

條桑事了蒸麻急刈麥人兼種稻歸
作苦那能衣食足
幾多遊冶厭輕肥

謝石庵見示權歌歎時因以見意

蘆花裊裊西風急獨立高樓聞鴈聲
志士最傷秋夜月

江南塞北兩般明

牽牛花

綠蔓如藤不用栽
淡青花遶竹籬開
披衣向曉還堪愛
忽見蜻蜓帶露來

舟行

鷗鷺灘頭帆卸雨
牛羊影外草生煙
漁人撒網潮平晚
柳岸維舟取次眠

靈溪舟中風雨

斜風吹雨打篷窓，獨棹孤舟向曉江。
沙岸竹洲煙漠漠，青山飛鷺一雙雙。

黃敏求

敏求字叔敏，修水人。集名《橫舟小葉》，或題詩其後云：涪翁之音調，朱絃至今草木猶芳。妍後來清氣有所屬，鏗轟句法非雕鐫。蕭則序以為其各體詩時出入於晚唐，亦間似楊誠齋，不專主

山谷云

野塘雜興

任進固所願貧賤亦所憂抱璞不自珍過取則足羞不
如寂寞濱橫此野水舟時乎儻可為肯遜伊與周著書
俟百世亦可軻與丘進退兩不惡久矣吾其籌

地僻車馬稀柴門不須扃晨興正衣冠洗手供爐馨奈
此日永何間課離騷經一片蘭茝心千古日月明爾豈
乏忠憤所欠惟和平要之任與止奚必分重輕吾但適
吾可不願得爾名

別詩人余叔雲

萬柳堤邊住挑雲過艾東未應為計左輕去犯詩窮雙
屐江湖上清名宇宙中折梅作行供香已破椒紅

筆硯無靈久寒檠自掩門虛名何預我漫刺重煩君茶
外無祇待詩邊得細論別懷莫兒女相祝張吾軍

原注
時叔

雲方
赴試

書齋

新闢書齋鶴柵寬一簾風月儘幽閑百年易向忙中過

萬事偏於好處慳，漫說折腰營斗米。何如留眼看雲山，只消一卷梅花句。留得林逋在世間。

題陳箕谷陳埜逸吟藁

謝却梅花吟課少，苦無心事惱陶泓。得君近日詩編讀，增我晴牕眼力明。爽似暑風秋九夏，清踰夜月畫三更。後山衣鉢塵埃久，賴有雙英主夏盟。

予丙子辛巳兩遊解空寺，已亥秋又至思上人。徙舊徑自恠石中，頓發竒觀叔亮弟取山谷詩。

文名閣曰卧龍巖曰青玉盞山之門曰天下勝
處令泳之作隸扁為賦七言

兩扣雲關記昔曾重來詩眼倍晶明路移巖石中間入
人在洞天深處行玉盞虛明添翠色霜鐘清冽帶秋聲
與君小摘涪翁句留得青山不朽名

涼棚

未虞赫日已焚空亭午西齋坐甌同橫竹旋排蒼葉密
小牕移在綠陰中情知瑣碎妨新月稍喜牽連得暑風

分我清涼詩境界一蟬吟到夕陽紅

經理順寧別墅

未必餘資辦草廬先從意匠起規模
某池宜植荷千柄此地合栽梅幾株
怕礙看山墻矮築要寬種菊徑深鋤
林泉隨分成幽趣誰計東郊入畫圖

書鄭亦山冷澹生活

九陌紅塵不肯居攜家租屋住西湖
月香水影賡和靖雨色晴光憶大蘇
詩比晚唐成冷淡人如東野更清臞

晴窗盡展芳編看一片寒水浸玉壺

遊落星寺

星江山水甲江東所到僧房各不同
拳石不知何代隕數椽恰占一湖中
廬山屏倚朝昏碧彭蠡帆分上下風
除却金焦相伯仲其他無此水晶宮

柳絮

近日柔絲可着鴉又分晴絮落天涯
絕無氣力元非雪空費形容不是花
便解與春遮去路也添為客重思家

雨餘留得閒蹤跡
綠染浮萍夜聽蛙

寄題靈川簿解存愛堂二首

一命如何解濟人
細看存字最精神
莫專紙上求明愛
曾次渾涵不盡春

愛無差等墨之徒
理一由來分則殊
愛只是情仁是性
合於仁上着工夫

初秋白雲道院

檜柏株樟竹與松
四山互長翠陰濃
逼教秋暑無來路

輸與山僧坐晚鐘

莫道秋容冷淡加秋英風露勝春葩拒霜巖桂休相遜
占得開時各自花

閒來汲水浸菖蒲淨洗塵埃半點無濯得老根如法瘦
養教矮葉十分臞

次鄭亦山求茶韻

山谷松風賦響湯茗甌今帶六經香君詩莫道窮無對
高出車聲遠九羊

原注車聲遠羊腸山谷煎茶詩前輩
云黃九得恁窮亦山有君未知人窮

相事之句

因戲之

訊黃乙山於壽寧寺

客中聽雨况僧寮
盡日無人訪寂寥
一枕秋聲供痛快
隔窓風裡有芭蕉

草草茅亭古木間
萬琅玕裏一禪關
秋陰只俟風收盡
分我浮生半日閑

水墨水仙

玉潤金寒情窈窕
縞裙翠帶態輕盈
只愁微月清無對

更畫梅砱作弟兄

古香亭

矮屋簷前老桂叢
清陰分破廣寒宮
誰知萬古香無價
藏在黃金一粟中

鵝黃雪綴碧瑤枝
占斷風高露下時
吏散予方有公事
嚼花斟酒古香詩

江湖後集卷十三